



O'ZBEKISTON RESPUBLIKASI VAZIRLAR MAHKAMASINING QARORI

20 21 yil « 6 » may

№ 285

Toshkent sh.

“Ўзбекистон Республикаси ўрмон хўжалиги фидойиси” кўкрак нишонини таъсис этиш тўғрисида

Ўзбекистон Республикаси Президентининг “Ўзбекистон Республикасида ўрмон хўжалиги тизимини 2030 йилгача ривожлантириш концепциясини тасдиқлаш тўғрисида” 2020 йил 6 октябрдаги ПҚ–4850-сон қарори ижросини таъминлаш мақсадида Вазирлар Маҳкамаси **қарор қилади:**

1. “Ўзбекистон Республикаси ўрмон хўжалиги фидойиси” кўкрак нишони таъсис этилсин.

2. Қуйидагилар:

“Ўзбекистон Республикаси ўрмон хўжалиги фидойиси” кўкрак нишони тўғрисидаги низом 1-иловага мувофиқ;

“Ўзбекистон Республикаси ўрмон хўжалиги фидойиси” кўкрак нишони ва унинг гувоҳномаси тавсифлари 2 ва 3-иловаларга мувофиқ тасдиқлансин.

3. Ўзбекистон Республикаси Марказий банкининг “Давлат белгиси” давлат унитар корхонаси Ўзбекистон Республикаси Ўрмон хўжалиги давлат қўмитасининг буюртмасига асосан “Ўзбекистон Республикаси ўрмон хўжалиги фидойиси” кўкрак нишони ва унинг гувоҳномаси тайёрланишини белгиланган тартибда таъминласин.

4. “Ўзбекистон Республикаси ўрмон хўжалиги фидойиси” кўкрак нишони ва унинг гувоҳномасини тайёрлаш ҳамда мукофотланганларни тақдирлаш билан боғлиқ харажатлар Ўзбекистон Республикаси Ўрмон хўжалиги давлат қўмитасининг Ўрмон хўжалигини ривожлантириш жамғармаси маблағлари ҳисобидан қопланиши инobatга олинсин.

5. Мазкур қарорнинг бажарилишини назорат қилиш Ўзбекистон Республикаси Бош вазирининг аграр ва озиқ-овқат соҳаларини ривожлантириш масалалари бўйича ўринбосари Ш.М.Ғаниев ва Ўзбекистон Республикаси Ўрмон хўжалиги давлат қўмитаси раиси Н.Ж.Бакиров зиммасига юклансин.

**Ўзбекистон Республикасининг
Бош вазири**



А.Арипов

**“Ўзбекистон Республикаси ўрмон хўжалиги фидойиси”
кўкрак нишони тўғрисида
НИЗОМ**

1-боб. Умумий қоидалар

1. Ушбу Низом “Ўзбекистон Республикаси ўрмон хўжалиги фидойиси” кўкрак нишони (кейинги ўринларда – кўкрак нишони) билан тақдирлаш тартибини белгилайди.

2. Кўкрак нишони билан мамлакатимиз ўрмон хўжалиги соҳасини ривожлантириш, ўрмонларни муҳофаза қилиш, сақлаш ва кўпайтириш, улардан оқилона фойдаланиш борасида салмоқли натижаларни қўлга киритаётган, шунингдек, соҳага оид илм-фан ютуқларини амалиётга жорий этиб, замонавий технологиялардан самарали фойдаланаётган ҳамда атроф муҳитни муҳофаза қилиш тизимини такомиллаштириш ишларига муносиб ҳисса қўшган фуқаролар тақдирланади.

Кўкрак нишони билан Ўзбекистон Республикаси фуқароси бўлмаган шахслар ҳам тақдирланиши мумкин.

3. Кўкрак нишони билан тақдирлаш тартиби ушбу Низомга илова қилинган схемага мувофиқ амалга оширилади.

**2-боб. Кўкрак нишони билан тақдирлаш учун ҳужжатларни
тақдим этиш ва кўриб чиқиш**

4. Давлат органлари ва ҳудудий ташкилотлар, шунингдек, нодавлат ноижорат ташкилотлар кўкрак нишони билан тақдирлаш учун номзодлар бўйича таклифларни Ўзбекистон Республикаси Ўрмон хўжалиги давлат қўмитасига (кейинги ўринларда – Қўмита) ҳар йили 1 февралга қадар тақдим этади.

Номзодлар бўйича тақдим этилган таклифларга илова сифатида номзод ҳақида маълумотнома, унинг сўнгги уч йил давомида ўрмончилик соҳасини ривожлантириш борасида амалга оширган ишлари акс эттирилган тавсифнома тақдим этилади.

5. Кўкрак нишони билан тақдирлашга оид таклифларни кўриб чиқиш учун Қўмита раиси томонидан 5 нафардан иборат таркибда комиссия (кейинги ўринларда – Комиссия) ташкил этилади.

6. Комиссия таркиби ва Комиссия тўғрисидаги низом Қўмита раиси томонидан тасдиқланади.

7. Комиссия йиғилишида номзодларнинг тегишли хужжатлари ўрганилиб, ҳар йили 1 мартга қадар энг муносиб номзодлар бўйича якуний хулоса қабул қилинади.

3-боб. Кўкрак нишони билан тақдирлаш тартиби

8. Комиссия хулосаси асосида Қўмита раисининг кўкрак нишони билан тақдирлаш тўғрисидаги буйруғи ҳар йили 10 мартга қадар чиқарилади.

9. Кўкрак нишони ҳар йили 21 март – Халқаро ўрмончилар куни арафасида Қўмита раиси (ёки унинг топшириғига мувофиқ бошқа масъул шахслар) томонидан тантанали тарзда топширилади.

10. Кўкрак нишони билан тақдирланганларга базавий ҳисоблаш миқдорининг тўрт баравари миқдоридан бир йўла тўланадиган пул мукофоти ёки эсдалик совғалари берилади.

Бир йўла тўланадиган пул мукофоти ёки эсдалик совғалари Ўзбекистон Республикаси Ўрмон хўжалиги давлат қўмитасининг Ўрмон хўжалигини ривожлантириш жамғармаси маблағлари ҳисобидан тўланади.

11. Кўкрак нишони билан тақдирлаш, истисно тариқасида, Қўмита раисининг буйруғига асосан алоҳида ҳолатларда ҳам амалга оширилиши мумкин.

12. Кўкрак нишони билан тақдирланганлар рўйхати Қўмитанинг Интернет ахборот тармоғидаги расмий веб-сайтида ва бошқа оммавий ахборот воситаларида эълон қилинади.

13. Бир шахс кўкрак нишони билан бир марта мукофотланади.

14. Кўкрак нишони давлат мукофотларидан кейин кўкракнинг чап томонига тақилади.

4-боб. Якунловчи қоидалар

15. Қўмита ушбу Низомга мувофиқ кўкрак нишонига тавсия этилган номзодлар хужжатларининг холис кўриб чиқилиши учун бевосита масъулдир.

16. Ушбу Низом талаблари бузилишида айбдор бўлган шахслар қонунчилик хужжатларида белгиланган тартибда жавоб берадилар.

“Ўзбекистон Республикаси ўрмон
хўжалиги фидойиси” кўкрак нишони
тўғрисидаги низомга
илова

“Ўзбекистон Республикаси ўрмон хўжалиги фидойиси”
кўкрак нишони билан тақдирлаш
СХЕМАСИ

Босқичлар	Субъектлар	Тадбирлар	Бажариш муддатлари
1-босқич	Давлат органлари ва ҳудудий ташкилотлар, шунингдек, нодавлат нотижорат ташкилотлар	Кўкрак нишони билан тақдирлаш бўйича таклифларни Ўзбекистон Республикаси ўрмон хўжалиги давлат қўмитасига тақдим этади.	Ҳар йили 1 февралга қадар
2-босқич	Кўкрак нишони билан тақдирлашга оид таклифларни кўриб чиқиш бўйича комиссия	Кўкрак нишони билан тақдирлаш бўйича номзодлар ҳақидаги тегишли ҳужжатларни ўрганиб чиқади ва якуний хулосани қабул қилади.	Ҳар йили 1 мартга қадар
3-босқич	Ўрмон хўжалиги давлат қўмитаси	Кўкрак нишони билан тақдирлаш тўғрисида Ўзбекистон Республикаси ўрмон хўжалиги давлат қўмитасининг буйруғини чиқаради.	Ҳар йили 10 мартга қадар
4-босқич	Ўрмон хўжалиги давлат қўмитаси раиси (ёки унинг топшириғига мувофиқ бошқа масъул шахслар)	“Ўзбекистон Республикаси ўрмон хўжалиги фидойиси” кўкрак нишони билан тақдирлайди.	Ҳар йили 21 март – Халқаро ўрмончилар куни арафасида

Вазирлар Маҳкамасининг
2021 йил “ 6 ” майдаги 285 -сон қарорига
2-илова

**“Ўзбекистон Республикаси ўрмон хўжалиги фидойиси”
кўкрак нишонининг
ТАВСИФИ**

“Ўзбекистон Республикаси ўрмон хўжалиги фидойиси” кўкрак нишони (кейинги ўринларда — кўкрак нишони) диаметри 34 миллиметрли доира шаклида бўлиб, мис қотишмасидан тайёрланади.

Кўкрак нишонининг марказида, баландлик узра нур таратиб турган қуёш фонида кўп йиллик ўрмон дарахти ва яшил дала, унинг қуйи қисмида яйлов тасвири акс эттирилган.

Кўкрак нишонининг айланаси бўйлаб зарҳал ҳошия билан ўралган доира ичида яшил рангли эмаль фонида “O‘ZBEKISTON RESPUBLIKASI O‘RMON XO‘JALIGI FIDOYISI” сўзлари ёзилган. Ҳарфларнинг баландлиги 2,3 миллиметр, ёзувлар зарҳалланган. Унинг пастки қисми марказида саккиз бурчакли юлдуз тасвирланган.

Кўкрак нишонининг орқа томони марказида беш қаторда ҳарфларнинг баландлиги 2,2 миллиметр бўлган “SOHADAGI KO‘P YILLIK FIDOKORONA MENNATLARI UCHUN” сўзлари ёзилган.

Кўкрак нишонининг қалинлиги 2,2 миллиметр. Тасвирлар ва ёзувлар қабарикдир. Кўкрак нишони олд ва орқа томонларининг четлари қавариқ доира билан ўралган.

Кўкрак нишони ҳалқа ва илмоқчалар ёрдамида тўғри тўрт бурчак шаклидаги қадағичга уланган. Қадағичнинг эни – 26 миллиметр, бўйи – 17 миллиметрдан иборат.

Қадағич эни 22 миллиметрли яшил рангдаги шойи лента билан қопланган бўлиб, лентанинг ҳар икки тарафидан эни 2 миллиметрли оқ рангдаги йўллар туширилган.

Қадағичнинг орқа томонига кўкрак нишонини кийимга тақиб қўйиш учун тўғноғич кўринишидаги мослама ўрнатилган.

“Ўзбекистон Республикаси ўрмон хўжалиги фидойиси” кўкрак нишони

Олд томони



Орқа томони



Вазирлар Маҳкамасининг
2021 йил “ 6 ” май даги 285 -сон қарорига
3-илова

**“Ўзбекистон Республикаси ўрмон хўжалиги фидойиси”
кўкрак нишони гувоҳномасининг
ТАВСИФИ**

“Ўзбекистон Республикаси ўрмон хўжалиги фидойиси” кўкрак нишони гувоҳномаси (кейинги ўринларда – гувоҳнома) 160x110 миллиметр ўлчамдаги китобча шаклида бўлиб, 240 г/кв.м. қалинликдаги офсет қоғоздан тайёрланади.

Гувоҳноманинг ташқи томони (биринчи ва тўртинчи бетлари) яшил рангда бўлиб, плёнка билан қопланган.

Гувоҳноманинг биринчи бети эни 7,5 миллиметрли, ички бурчаклари айлана шаклида бўлган тўқ кўк рангли ҳошия билан ўралган.

Гувоҳноманинг юқори чеккасидан (биринчи бети) 35 миллиметр пастда, марказда, оралиғи 3,5 миллиметрли уч сатрдан иборат матн жойлашган. Биринчи сатрда “O‘ZBEKISTON RESPUBLIKASI”, иккинчи сатрда “O‘RMON XO‘JALIGI FIDOYISI” (катта ҳарфларда, “Times new Roman Bolt” шрифти, 14 кегль), учинчи сатрда “ko‘krak nishoni” (“Times new Roman Bolt” шрифти, 14 кегль) сўзлари ёзилган. Ундан 6 миллиметр пастда “GUVOHNOMASI” (катта ҳарфларда, “Times new Roman Bolt” шрифти, 17 кегль) сўзи ёзилган.

Ёзувлар тўқ яшил рангда акс эттирилган.

Гувоҳноманинг ички томони (иккинчи ва учинчи бетлари) “Тангир” тасвири туширилган оч ҳаво рангда бўлиб, офсет усулида чоп этилган.

Ички томонининг чап қисмида (иккинчи бети), марказда, кўкрак нишонининг аслига тенг ўлчамдаги рангли тасвири акс эттирилган.

Гувоҳноманинг ички ўнг томони (учинчи бети) юқори чеккасидан 8 миллиметр пастда, марказда, 15 миллиметрли чизик ва “-sonli guvohnoma” (“Times new Roman Bolt” шрифти, 10 кегль) сўзи жойлашган.

Ундан 10 миллиметр пастда мукофотланган шахснинг фамилияси, исми ва отасининг исмини қайд этиш учун оралиғи 8 миллиметрли учта чизик тортилган.

Пастки чизикдан 6 миллиметр куйида, марказда, оралиғи 2 миллиметрли икки сатрдан иборат матн жойлашган. Биринчи сатрда “O‘zbekiston Respublikasi O‘rmon”, иккинчи сатрда “xo‘jaligi davlat qo‘mitasi” (“Times new Roman Bolt” шрифти, 10 кегль) сўзлари ёзилган.


Ундан 5 миллиметр пастда оралиғи 4 миллиметр бўлган икки сатрдан иборат матн жойлашган. Биринчи сатрда “20__ у. “__” _____dagi”,

иккинчи сатрда “____-sonli buyrug‘iga asosan” (“Times new Roman Bolt” шрифти, 10 кегль) сўзлари ёзилган.

Ундан 5 миллиметр пастда, марказда, оралиғи 5 миллиметрли уч сатрдан иборат матн жойлашган. Биринчи сатрда “O‘ZBEKISTON RESPUBLIKASI”, иккинчи сатрда “O‘RMON XO‘JALIGI FIDOYISI” (катта ҳарфларда, “Times new Roman Bolt” шрифти, 12 кегль), учинчи сатрда “ko‘krak nishoni bilan mukofotlandi” (“Times new Roman Bolt” шрифти, 10 кегль) сўзлари ёзилган.

Сўнги сўзлардан 9 миллиметр пастда, чап томонда “RAIS” (катта ҳарфларда, “Times new Roman Bolt” шрифти, 10 кегль) сўзи ёзилган.

“Ўзбекистон Республикаси ўрмон хўжалиги фидойиси” кўкрак нишони ГУВОҲНОМАСИ



_____ - sonli guvohnoma

_____ (familiyasi)

_____ (ismi)

_____ (otaxoning ismi)

**Ўзбекистон Республикаси О'рмон
хо'жалиги давлат қо'митаси**

20__ y. «__» _____ даги
_____ -sonli buyrug'iga asosan

**“O'ZBEKISTON RESPUBLIKASI
O'RMON XO'JALIGI FIDOYISI”**

ko'krak nishoni bilan mukofotlandi

Rais _____
(imzo)

M.O. _____

